

四庫全書

集部

欽定四庫全書

集部

淳熙稿卷八

詳校官庶吉士

臣 吳 燧

主事

臣 呂雲棟覆勘

總校官編修

臣 朱 鈐

校對官中書

臣 吳樹萱

謄錄監生

臣 廉永倫

欽定四庫全書

淳熙稿卷八

宋 趙蕃 撰

五言律

別季承

兼旬眠食同慷慨
豁心曾尚喜斯文
在末憂吾道窮
驚湖余舊歷驚
嶺子新逢四海
均同字休言兩地
中

初六日呈明叔

冷澹清明節蕭疎斑白翁不知春事減但見綠陰重坐
卧書窓裏陰晴啼鳥中年齡故爾似貧病亦應同

二十五日呈明叔

七十且強半駸駸數日間不成悲白髮猶說愛青山五
斗雖為累千篇政不慳與若同甲子此事合相關

別近呈明叔

靖節甘忤俗子雲空解嘲紛紛多面友了了獨心交四
海歎浮梗三年嗟繫匏語離無幾日梅蘂況江郊

再呈明叔

欲過江天閣出門如有方乍聞禽磔磔還是雨浪浪放
意官曹外關心藥裏旁聽渠桃李退蘭斛政幽香

呈潘大叔二首

嶽寺分携後郵亭邂逅時鳴鞭萍實驛分韻木犀詩契
濶書忘素飄零鬢益絲我歸寧偶爾君至忽於斯
寓舍莓苔合春郊花草香忽逢寧比料欲語未能長大
阮為勿藥阿連欣對牀嗟予重多感有弟各殊方

呈叔文諸公

村村迎湫水戶戶焚鑪香何以掇我穡但知呼彼蒼
寬饑欲死聊聽醒而狂困極惟思睡詩來得助涼

和答黎季成送行

自坐還山計如同去魯情水風元不斷山月每同明
試問詩能和何如酒共傾吾家近京驛側耳聽車聲

蕃近有鄙句簡諸公而廣文先生專以見貺盛
意自不可不答

居然自驚驥陋矣說玄黃章貢昔連地沅湘今一鄉談
端驚絕倒詩學味尤長對月他時白披風此日涼

再和諸公

官故玄尚白山能青又黃
姬隅學蠻詵乃和漁鄉世
用有公等我才無日長
盍簪休間闊回首易悲涼

簡黃子耕

不見吾叔度侵尋將六年
林間迂子步江上望余舡
會合信不易往來成屢愆
孤山梅未老曷日訪三賢

簡李伯仁節甫

深水忽再到清明無隔晨一翁方上府二季曲留賓詩
律歎仍舊鬢霜驚漸新若家真李杜我乃愧黃陳

簡彥博

憶昨連邠住猶為解榻期古書相是正餘事劇娛嬉近
者間何闊懷哉我所思如聞穫稻畢當是入山時

簡元衡

鳩喚林深擁蛙鳴草亂科群生為疢癘首夏失清和謝

病游故倦尊天問可何政須聞妙語一為洗煩痼

再簡元衡

積雨朝收礎清陰晝滿庭驟乾無雨候忽動有風輕藥
裹長羸疾茶甌暫一醒故人纔咫尺願見兀如局

用初三日韻簡伯玉昆仲

雨勢忽已過雲峯空復生暫能蘓暑病未足慰農情同
社推詩好今宵況月明三人非對影難弟與難兄

遠父往富沙兼簡馬莊父二首

徐郎既吳越王子又甌閩孰與還仍往惟餘病與貧尚
寒花有信欲盡雨催春子去寧闕抱余留獨損神

子過鉛山縣知名有尉曹談端抽繭紵文力壯波濤見

子心應識思渠首屢搔共為徐庶友而獨不能高

遠父莊父

皆斯遠交遊
而余獨媿焉

念欲春遊春既莫矣而在伯微恙不近杯勺作

小詩代簡便呈阮陵何鄧二尉曹

屢有一杯約況今三月來屬君緇藥裏而我欠詩材楚

塞稀紅藥僧坊賸綠苔幾時能出郭分韻與徘徊

十一日簡王進之

曉枕聞簷溜閒筇立寺門宿醒連卯酒幽趣落無言山
色丹青濕梅花壁玉溫誰能此乘興風味昔人存

簡徐季益二首

野寺鍾鳴後溪橋雨合時杖藜能過我酌酒更論詩意
作匆匆別仍慙得得期近知疎問訊不那費懷思

好士今誰是憐才亦漫云詎須隨進士直擬慕徵君確

論終當有浮言斷其聞兒曹與餘子錄錄更紛紛

簡王元宗

相望兩招提林深路不迷微軀敢高卧借屋且幽棲問
訊聊題句經過阻杖藜良由日日雨山徑亦成泥

簡斯遠兄

已辦入城府尚留緣雨陰相期著屐過空想掉頭吟子
故因貧出余寧歎老侵鷓鴣滿臺閣麋鹿自山林

簡文顯

敬問周夫子端居又半春初無酒作祟合有句如神桃
李已陳迹谿山同故人何能過茅宇談笑奉清真

簡全真

方喧思獨坐當靜想清言我掃庭前樹君憑江上軒有
詩煩共賦無酒與重論既乏公田秫仍孤老瓦盆

過周文顯所居

不謂於茲世而能有若人藤蘿為遮屋圖史漫娛身安
邑誰為令黔婁自守貧他時獨行傳端可並麒麟

喜見周司法和詩有贈仍用元韻

路絕嶺梅贈江搖沅蒞春敢云傾蓋故喜甚誦詩新刀
筆非吾事文章可致身江陵法曹掾寧久滯斯人

至日與明叔逸及明叔之子涼孫飲

至日還為客窮愁亦去年陰陽自升伏老壯只推遷易
險安常度响濡無妄憐兒能壽翁酒不必問愚賢

過介庵舊宅

悠悠西州路慘慘日暮雲天不愁此老世孰張吾軍成

都揚雄宅青山太白墳可憐車馬迹不如鷗鷺羣

連日與邢伯言兄弟飲成四十字

江上風雖橫林間月自新探囊看墨妙酌酒話情親感

歎思前日飄零媿此身未妨頻夕醉初不污車茵

是日
觀南

征賦及諸老題跋折仲古
帖何子應詩張安國詩帖

雨中與公擇對飲已而大醉既醒作此

身世一飄搖羈愁兩寂寥怨歌空耿耿晚雨况蕭蕭飲
強真能醉詩成或當謠明朝對清鏡鬢恐十分凋

與伯玉元衡大聲兄弟飲

何方應雨落此地祇涼生杯酒偶相屬晤言聊叙情登樓念王粲促席想淵明鄉里無新故情親總弟兄

劉萬二弟置酒與八九兄同飲

每憶踈詩卷何期共酒尊高樓子苕霅孤宦我湘沅暮夜風仍吼途窮志自存悠悠幾山嶽泛泛一乾坤

二月初十日自荻浦絕湖三首

二月風濤壯扁舟性命輕白頭高浪接青眼遠山橫客

子空懷怖漁家自樂生
湏渠一杯酒助我五言城
遠浪已搖目疾風仍打頭
翩翩仰飛鳥矯捷羨輕鷗
湖有萬頃白舟才一葉
浮意行從泛泛吾道本悠悠
倚賴尊中酒枝梧巷裏詩
貧嗟居不易境對語成危往
日行猶記冲風去不疑
舟師笑相謂未有若人癡

三月八日發舟後作

沙步行初改津亭望且遙
青山出圖畫白鷺立風標
境熟詩難就愁深酒易消
雲歸還漠漠雨靜復蕭蕭

寄建寧韓尚書二首

今代韓夫子頻年刺兩州官崇古常伯地重漢諸侯父
老記茂宰山川皆昔遊懸知里閭化不待教條修公昔
建

安有善
政云

宰席猶虛位尚書合賜環進賢同拔茹去佞已無山誥
命從天下延登指日間斬公為大廈我亦會歡顏

三月審知以余行有日置酒於智門寺後竹間
小亭時與者王彥博審知之姪彥章余之弟成

父審知命以尊前失詩流為韻分得流字書以
呈之

林下有高興眼前無此流並溪村逕入背佛野亭投綠
竹依人好紅葉取意秋病多寬酒債別近耿離憂

讀東坡和陶詩

食已無餘事坡詩信手繡飄零落蠻蠻收拾重璵璠未
易窮關鍵纔能味語言向來陶謝並今日要重論

讀王有道詩

校書非隱遯逢亂偶棲遲少日治安策暮年忠義詩空
聞狩岐隴不見頌浯溪有墓荒叢棘無祠奠酒卮

讀林子仁詩

連林泥滑滑遍地草青青多病愁難却春風夢已經曾
過蘄水郡不見少微星獨行慙方駕清詩許乞靈

王璠伯玉携詩見過二首

大熱有如此涼風安在哉書憑長日度客久好懷開豹
立妨看竹蟾飛為掃槐欣然王氏子枉步袖詩來

故國開江左名家數建隆南遊新識內東里舊鄉中有
句君真癖無詩我浪窮更期風月夕相與課新功

二十四日一日作十詩季承同之既罷復書四
十字並呈季承

米盡不憂饑行行且賦詩相看一大笑從謂兩真癡未
用追元白聊須效陸皮流傳君不媿附益我奚為

偶作二首

舊簾已成揮還披御臘衣乘除固人事變化亦天機道

路飄零久形容少壯非無徒微祿眷長與故人違
未仕思從仕言歸盡賦歸世方疎直道身亦墮危機舊
宅存松桂春山富薜薇淵明覺今是伯玉悟前非

十三夜秉文携詩見過

餐玉我無術點金君有方胡為仍各瘦更復問何長月
好橋同步詩佳袖取將歸來未成寐看葉墮危黃

書管掾所抄張安國詩

天上張公子詩輕萬戶侯駕車追熟路順水放輕舟化

鶴驚何遠藏山散莫收可人秋浦掾著力為冥搜

題三徑圖

憶在宜春日曾看三徑圖腥羶尚京洛羈旅久江湖豈
曰有安宅絕然忘故都人琴悵俱已松菊孰充娛

題舊日所藏晉陶淵明採菊東籬下悠然見南

山畫

未必形模似良由意象高見山非得遇酒輒陶陶燕
沒念三徑飄零悲二毛南征儻亡恙歸老舊蓬蒿

寄呈壽岡先生二首

竹戶與松窓當年拜老龐鬢毛霜自滿文力髡猶扛我
句何堪讀公詩舊所降寧聞曹與鄒可並楚三江

我愛清江郡端如屋上烏掛冠推二老縫掖盛諸儒吳

蜀書難得

謂陳擇之
彭之壽

荆蠻病益癯飛黃去騰踏局趣效

轅駒

二詩敬寄致政大夫先生

每見清江使常詢向子平徐行為山健老眼對書明世

共尊者舊愚猶及老成誰人要半道願與一門生

不向鄉林去于今又四年琴書故間止草木想蒼然安
否音書曠飄零日月還禮加如下榻興盡敢回船

投介庵先生并寄廬陵周侍郎四首

忽憶滄州去何心漢節持上書期得請勇退復奚疑用
舍非吾事榮枯自彼時疾風勁草見松柏歲寒知

貳卿辭郡日刺史乞身年往事旣已墮歸來壁顧全坐

令顏俗振未覺古人賢白鷺思高舉琵琶有直絃

白鷺洲在

廬陵琵琶

洲在餘干

桐鄉曾作令使者復乘車風俗因予厚溪山要我居此
聲聞舊矣今日見歸歟祗恐功名事毋庸遽舍諸

粗識詩中趣翻憐筆下難中流疑失楫遠舉慮摧翰起
我七十病蘄公九轉丹韓豪非所敢曾未到郊寒

周愚卿以二蘓先生李公擇黃魯直秦少遊真
跡見示敬賦四十字

蘓李是吾師黃秦實嗣之愛其吟可老得自買傾資有

本皆如是斯文不在茲因知迺翁意遺子以鉉基

文叔見餞于郊外且有所論復賦此

已辱臨岐送還能喚酒來欲行雖倥偬數刻為裴回出處豈漫爾古今寧異哉滔滔勿渠歎落落自余哀

舊艤舟湘西之明夕鄭仲理吳德夫周伯壽黎季成共置酒於書院閣下追餞者邢廣聲王衡甫時戊申仲秋七日

已別還重送情親獨數君贈詩難卒和別酒易成醺渺

渺江山恨飄飄鴻鴈羣不忘相博約未可間知聞

趨上饒道中

風雨催梅子溪山進客舟登臨雖慰眼悵望復增愁歲
月常為旅饑寒不自謀翩翩羨林鳥閑逸愧沙鷗

周愚卿同丁永年陳明叔見餞于去城之十里
致嚴堂經夕乃別

林表楓能赤崖邊菊許長別情俱慘澹風日倍荒涼豈
為鍾情極端由取友良顏然醒雜意初不累杯觴

李叔器方養源叔器之姪填載酒餞余於思敬

亭

倦客理舟楫高情攜酒肴有亭當水滙共步轉江皋我
已乘流去渠猶佇立勞風前醉難倚月照首頻搔

新漕道中

夜雨響屋瓦曙煙遮樹林田行疑倍滑水度覺知深顧
望勞雙目顛躋拂此心垂堂不知戒家故乏千金

宿分水

夜枕疑為雨曉檐還見星驟聞成撼撼熟聽乃泠泠信
矣無不下沉於高建瓴此行非絕遠楚粵自相因

舟行

下水復上水暮秋仍早秋暫歸非去吏觸緒苦添愁本
乏風雅作謾于山水遊經營欲終日人謂我何求

二十一日湖中

歲晚仍湖路客中還病身似聞今大熟那故獨長貧方
朔一囊粟季鷹千里萑扁舟固高蹈金馬亦沉淪

舟中讀子進昆仲西遊集有懷其人作詩寄之
并示成父弟二首

君是三珠樹子非兩玉人水南留步武竹隱記風神往
者兄同弟今焉越與秦細哦詩語妙如欵笑談真

文士今固有未聞居一門松筠無異操蘭蕙若同根試

問臨風讀何如抱酒論茲行羨吾弟彌櫟向湖村

成父
欲訪

子進昆仲於
黃堰故云

聞晦庵罷宜春留南昌亟往見之將至貴溪逆

風大作

下水放輕舸真期快意遭那知吾道蹇還值逆風鑿空
闊初憑棹淵洄竟倚篙三山信非遠弱水謾增勞

約斯遠同謁晦翁先生八月十六日發章泉夜
宿永豐

比夕皆佳月幾年無此期親朋方戰蟻而我自驅羸夜
作銀河隔明當玉樹窺猶須發高詠予以慰長思

初二日蚤發親捷

水落灘鳴急山高霧散遲
夜愁餘響遞晨幸日光披
頗憶茱萸飲還思蕙苾齋
異鄉逢物色老病益清羸

放舟始作

扁舟落吾手遠役愴余心
道路經過數秋風日夜深
青林向搖落白髮益侵尋
況說瀟湘去仍懷屈賈吟

九月二日發舟快閣下

開船風打頭舉棹水分流
到處皆成客今年未識秋
意哀吟蟋蟀聲苦亂颼颼
拊枕仍推枕誰知夢覺優

次韻成父舟中

久客日復日窮冬冰復冰知還憐倦鳥側翅耻飢鷹搔
髮傷今老泂塘記昔曾舒憂足行卷教調謝書滕

初五日晚雨欲臙舟大琛而舟行過焉示成父
弟

一雨晚來涼山長水又長尋詩貪嶼島沽酒誤村場蕭
瑟聽連夕飄流入異鄉對眠還晤語渾憶在山房

餘干放舟後作時以病不飲故見之詩

月駛雲俱駛風恬浪亦恬
渾如畫橫軸又似鏡開奩
蠻子釣未已長年行不厭
素羸同李賀止酒效陶潛

舟中病思三首

桑葉綠已病楓林黃亦危
行舟得秋日滿路入新詩
照水驚非昔臨風病不支
乾坤一患施吾事獨多奇

已見橫山塔蘭溪路不多
青銅吾欠此竹葉茶渠何
貧病成驅役幽憂復放歌
平生釣臺下老矣負漁蓑

日脚陰晴屢船身坐卧俱
溪山無入望羈旅孰為娛
路

識長安近名非短策圖無迷蔡謨蟹且覓季鷹鱸

初到舒州

承平非不久淮地祇凋疎負販資它郡蒿萊塞舊閭近
江猶若此窮徼復何如可議輕征戰仍聞急轉輸

旅食有作

旅食頻年倦田居樂事遙春餘桑柘靜波泛鷺鷥驕折
竹深防笋撐船滿載苗新詩隨見寫舊髮不勝凋

萬安道中二首

雨小亦滑道馬遜元自佳金章橘弄色玉面茶吐花科
科初種菜叢叢未收麻人生皆有理吾事獨無涯
籬落未經霜林園尚吐芳豆花連豆角榴朶映榴房搖
落雖茲候敷榮未爾妨我懷收柿栗物色自淒涼

將至鄔子

湖水冬猶壯林烟晚更孤荒涼詩莫狀零落鴈成圖歷
歷舊行路蕭蕭新鬢鬚不知造物意投老又何如

宣風市作

不誤晨霜白但驚濃霧黃過橋初有迹著木頓生光未
怕寒如許殊勝雨見妨燎薪仍酌酒一笑作烘堂

上寵市早飯

霧合疑為雨雲開復變晴梨花高朶盛柳樹弱枝榮問
寺山場遠逢虛旅飯營侵晨王事起亭午野田行

九月二十七日題柱溪館

昨日方搖扇今朝可擁裘頓能驚北客方覺是南州歲
儻不逢閏時今寧復秋無庸歎踈漏聊得避颼颼

飯楓橋鋪

隻堠復隻堠晨鷄仍午雞春風空浩浩客意只淒淒驅
我因微祿言歸欠薄畦有懷無與共聊以命詩題

自荔支鋪至楠木鋪偶成書南木

勿謂他邦陋深行亦或嘉林空聞落葉澗淺度枯槎尋
食能支午勞歌不致嗟道邊惟驛舍山後有人家

夜過半村李箇叟謂不可無所賦為作唐律二
首

舊竹茶山宅新松南澗墳聞風與識面老我及夫君瘦
馬政長路哀鴻仍莫雲雖然當努力亡奈復離羣

訪子林間宅繫余溪上船還成一夕語宛似五年前白
髮驚新夢青燈讀近編黎明又當別相對欲忘眠

將至豫章

棹落歸雲底帆飛夕照間起予為白社極目是西山蘆
雪新鬢鬢楓丹昔面顏炊甍饑已慣酒貴醉能慳

巴丘驛晚題二首

水驛聊容借官曹少追勞關門對風雨策杖看波濤浩
浩心疑壯悠悠首遽搔忽來雙白鷺佇立久江皋

戰伐求三國羈縻自五溪歸飛慕鴻鴈汾戲狎鳬鷺酒
以忘憂酌詩因訪古題是身真老矣南北更東西

綠蘿道中

人間白馬渡世外綠蘿山水駛舟何蹇人危境故閑傳
呼屢落膽應接一怡顏更擬桃川路明朝得意攀

宿野人家

凍若將崩石狂哉既倒流詩危欠好語日晚覓安投勞
我行何苦嗟渠成未休田居與官籍俱坐有身憂

宿藍畬寺

嶺斷仍分徑林紆更著行畏人嫌俗駕留客得僧房脊

記年何古

梁題云景福二年
魏天祐十一年造

吾家句亦香

寺有趙清獻
知處州赴召

時與周茂叔
廢唱之刻

茲行經寺五於此獨難忘

近所經白灘頭
訪竹新興與此

凡五
云

遊浮洲寺

久客渾忘賴羣山得細看身如悟浮沒詩喜助波瀾

象觀殊詭作鐘懷叛干

寺之阿羅漢塑用武洞清本
鍾乃偽吳武義年中所鑄東

湖空壯麗芝嶺漫林巒

宿彭湖寺懷斯遠

路仄山崖滑庭中桂樹蒼驟衝疎雨過徐步晚風長
沽酒尋官道哦詩遶佛廊曠懷思我友林趣憶支郎

過石陂少馬至曲睹寺

朝雨自應雨晚晴真是晴猶經水曲折方得寺紆紫鳥

喚聲何好雲歸迹故經青山能見導破衲可無迎

時寺僧適

出

早飯大明寺因題

晨起渾疑晚山晴尚踏泥花邊花鴨卧竹裏竹鷄啼問
店欣逢寺命車仍杖藜松篁猶有徑桃李得無蹊

投宿龍溪寺夜行迷道者久之

已辯龍溪宿寧知鳥路迂林光收瑣碎山月失須臾見
始雖田父歸尤自老夫但知尋野寺不擬問官途

將至信州二首

長年遇百艱十步九逢灘
龍湫平淵蓄靈山列岫寒
庖朝飯薄絺綌晚衣單
獨抱高深意知音誰為彈

溪日照人明溪風著鬢清
一生長是客半日詎留程
綠水浮梁貼青林古塔擎
雖然異鄉國聊爾寄歸情

漁門舟中

霜落蘆葦可殺水歸湖
漸洲遵鴻歲棲集振鷺日
優遊鄔子兵巡徵豫章
吳地頭茲生凡幾過時
序古囊收

十三夜使風

雪浪湧如山乘風失所灘窮途雖粗慰悖魄敢懷安燈
閃漁家迴鴈哀江渚寒怪來詩語瘦良欠酒杯寬

三日風果止早行

側枕聽風吹撐蓬避雨絲不忘披敗帙何暇問朝炊浪
靜川無迹雲行山不移自知非畫手游戲一於詩

六日早途中見耕者

夜雨未收脚宿耕初起頭聊茲一日力慰此半年愁長

路厭策蹇還家思借牛未須論旨蓄端爾待來牟

杭橋道間二首

屢起瞻雲物頻成聽雨聲與憂明所歷咸謂曉當晴一
水通高下千山雜晦明逢人問前路為報已堪行

安穩侵晨發杭橋薄暮休山窮多石峙渡涉亂川流野
性安猿馬歸心逐鷺鷗時平從路險吾在豈人謀

玉田道中

釋僑雲移樹批崖水暗橋殷勤勸耕鳥勞苦趁虛樵晨

起人忘憊泥行馬不驕哦詩殊有味造謁未妨遙

過分水嶺二首

水激風仍疾山叢日易收才欣稍妍暖忽恐變颼颼久
客奚多感對茲真欲愁無為尚締綌當復念衣裘
不歷閬山險空云蜀道難有泉皆瀑布無路不紆盤酒
薄愁難破詩成鼻為酸舉頭唯見日何處是長安

下七盤嶺

路絕疑無地山窮復有天林園更田畝鷄犬亦入烟江

右名疆界南中勢接連周書信無外禹別自何年

宿永福院

白塔轉青林微開谷鳥音行餘四回顧風至一披襟半
日春遊當勞生落景沈眷焉聊稅駕老矣盍抽簪

早過興福寺

謁客因過寺無車且借驢晴嵐四填擁我意一凋疎僧
勸茱萸飲身能瘴癘祛寧堪久居此曷日遂歸與

過水寺

步向溪南寺行尋白社徐祇言猶作客不悟已遷居照
壁詩無恙當軒竹未疎掛包靳異日我欲掇其餘

未見南溪泛一看洞府家徑荒衝暮雀林靜起棲鴟鎖
鑰何其密推敲漫自加及歸已薄暮漁火在園沙

廣平寺次孫子肅壁間韻

野寺夙所歷山程行苦賒桂榮秋賸馥蓬勃早吹沙徙
倚俄成久飛騰已向斜異時如問隱此地亦吾家

重陽日

僕夫催蓐食客子歎蕭晨青嶂如迎客
黃花似笑人所思空脉脉何日罷跋跋
未慕龍山達深懷靖節真

歸途馬上二首

兀兀真成去悠悠莫自嫌陽光施德惠
風力霽威嚴不待投膠賜端同挾纈
兼山林從爾老歲月豈余淹赤葉江南
少黃花秋後開禾場皆稟結茅屋半蒿
萊負日兒童樂背人鷗鳥猜歸心已飄
忽鞭影顧裴徊

早行五首

前邁不待曉昔歸何苦稽掛帆欣暫逸薄險悸深擠試
問危行水何如穩杖藜梅花好調護春事有端倪
萬石湖南港楊林湖北潭不勝搖櫓倦顧欲使風貪凜
凜巖牆戒悠悠鳩毒耽頻能愧沙鳥數可傲征帆

蓐食催束擔候月不待鷄始馬星垂野轉已霧寒溪葦
杭悸歆側鷄栖困攀躋何可數道路無為厭蒿藜
茅屋雞初述楓林月半殘灘傾驚枕仄露下覺衾寒客
子愁無那舟人語未聞蘭溪今夜泊須酒慰艱難

落月掛林高溪行屢著篙不令驚水宿頻覺送鷄號此
趨今成熟吾生母乃勞何能永謝去自學小舟操

早發建德

雨霧連晴霧山行近水行悠悠成小駐役役又前征底
處衝煙泊誰家趁曉耕詩材動鄉邑點檢欠經營

隆興城外作

風動雲昏月擗鳴鷗避船秋清生既夕客意怯幽眠滯
爾江行駛病余人事牽府公仍仲舉白屋定誰賢

問宿

川原泥滑汰山嶺石巖疎經歷雖云惡馳驅不暇徐逢
人詢野寺對宿抵村墟薄莫須安止平明議所如

二十日夜宿小楊

儂問何村泊人詢底處船凶年無善俗永夜少安眠僅
有多年被猶無舊物麴未應能我累瑟縮自成然

秋陂道中三首

晨鐘離野寺早市出村墟山在空濛裏路經崩缺餘崎

峴方自此阻絕信非虛却羨林間翮飛翔得自如
止水通流水前陂接後陂農夫挾馬駛客子竹輿危五
斗真聊爾百艱誰使之不能懲創在猶後強裁詩
雨止鳩頻喚雨來鳩暫停愁懷惟慘慘望極更冥冥鷺
舉青林破牛行白水經潭忘峻嶺在便擬午鐘聽

投宿湘東

霧雨雜炊烟山巔復樹巔初疑但紛若有聽忽騷然立
馬看題壁衝鷗喚渡船莫嗟饑鴈外且及暮鴉前

晨起行菜

勿謂山園瘠能令菜本肥相雖無肉食穀免病年饑看
此畦三九何時腰十圍試評能自照孰愈莫勝衣

安福界上遠山之巔樵者頗衆而山色如墨蓋
燒餘也路逢村婦携籃者數輩問之云採野菜
去

日上野燒沒雲端樵路分猿猱同矯矯斤斧競紛紛有
婦能供餉携籃更採芹田桑雖未動爾事亦云勤

夙約簽判丈運屬丈同迂客於玉田比出郊側
聞二丈已先行及抵所期二丈元未到也因成
此四十字玉田周氏有醪醕甚盛且臨官道云
晨起不為晚所期安在哉如言屐上下復道手敲推久
立除醕架煩憐玉雪堆睇瞻殊莫及歎憤屢裴回

初四日同諸公飲餞共叔於株林明日再往共
叔為置飯歸途賦此寄之

一別定不免重來聊見情匆匆置朝飯憤憤困餘醒會

合知何日升沉恐異情母忘尺書寄慰此寸心傾

贈顏文昂子明用孫從之韻

微風醒蝶夢驟雨瀉天瓢剝啄攜詩過丁寧寄語邀詞
臣上雍橐欎閤侍中貂試問龜藏櫝何如鶴唳霄

湖州贈劉二弟兼呈伯瑞昆仲二首

人物稱吾弟空疎愧老兄別來書更數相見眼增明行
李雖亡恙艱危實飽更到家春已動政可及農耕

流落又窮歲漂零悲此生詩才元自窘日近轉銷聲後

會未可必離懷空作驚平生願交意為我謝諸兄

贈劉子卿時劉將赴官鎮江併以道別三首

幕府江寧日校書元祐時堂堂公可作岌岌我何衰孰
有人門冠而淹管庫卑用長宜顧問誰與薦天墀

江驛頻臨我林園屢過公只言成遂別何意復來同有
用期思勉無詩枉坐窮舊聞京口酒準擬醉孤蓬

吾友周信道坐思終死窮眼中寧復有地下亦難同夢
絕西州路愁聞北固鴻並遊惟伯厚還愧尺書通

信道
名孚

死於真州教授伯厚
屬信道與余同遊

贈別鄒君昆仲

湖北湖南路俱行不憚疲難追燎須意姑慰倚門思世
士才華取君家孝友基更能知我友相與切磋為

用思叔韻贈通神郎翁思明

吾友徐思叔會稀多阻離要知名下士看取卷中詩識
面恨已晚因渠端可知通神定何物莫致孔方疑

盧誼伯宜之見過要斯遠同賦以贈二首

近別溪山郡忽過風雨村濁醪成共把佳句得深論舊
價真齊駱新題復到元從今得還往寧只問寒暄
苔水固多勝吾州亦可隣卜居雖匪舊取友不妨新佛
屋從堪寓溪亭更可入莫嫌鵝鴨惱最喜鷺鷥馴

再見王進之於潭王即有岳鄂之行贈之四首
我客猶湖外君行返漢中乖離從此異邂逅復茲同始
見忘曾識徐言乃漸通恠來顏重渥深感鬢成蓬

別日故已久願言今則多寒溫一勞苦身世兩蹉跎在

已須當勉其餘莫問他昔賢雖已矣吾輩合如何
既見雖云喜語離仍復悲未知今日別還是幾年期風
雨方頻日波濤絕壯時長途久已迫苦語遂成詩
君髮未可白親顏元自紅肯甘知有子婚嫁趣成翁世
豈無高義途寧嘆久窮但當言計拙不可怨詩工

淳熙稿卷八

欽定四庫全書

集部

淳熙稿卷十九

詳校官庶吉士臣吳烜

主事臣呂雲棟覆勘

總校官編修臣朱鈐

校對官中書臣吳樹萱

謄錄監生臣廉永倫

欽定四庫全書

淳熙稿卷九

宋 趙蕃 撰

五言律

讀東湖集二首

世競江西派人吟老杜詩五言真有律徐穉是吾師不
但時相似還能猛出奇平生誤學處深恐不能醫

賴爾破孤悶讀之惟恐殘行間雖舊熟句外得新看已

後平生學懸知欲到難堂堂寧復有凜凜故疑寒

移官萬安道中

立春今幾日物色已全回青入株株柳芳殘樹樹梅
自由人歷落莫怨馬虺虺總是天涯客何傷歲盡來

贈筆

管城封已失少室價難高外作蕭嵩表中慙去病
鑒縱橫才適用脫畧已陳勞自分當頻棄毋庸謂不遭

筆答

拔毛知不免受縛歎何窮屢沐雖蒙賜披心每盡忠憤
然成臆對老矣實頭童醉素今安在歸真託此公

宋行中履叔以其先兄時中亭伯窮藁借觀歸
之

古寺秋風客難兄昔日詩人間非舊識地下有新知為
祿歸難早知窮計已遲因聲語吾弟吾亦類渠癡

錄去冬舟行詩一編呈陳丞并作四十字致見
而不款之恨

舊誦流傳句今逢訾訾丞不除湖海氣何急簿書仍禿
塵期相對歸車顧已乘并習誠漫汲城壯敢輕登

題重修玉光亭

山無古今異亭有廢興因地迴輪蹄隔官閤鷗鳥馴仆
碑還屋壁老柳困樵薪載酒論文處重來感歎頻

過叔文園亭題於竹上

一亭幽入徑萬竹上參天我欲成閒詠君能起醉眠清
風誰為起宿雨晝猶懸莫厭此物聒管絃非自然

邢氏園池上作

可意于茲夕乃能來此風稻畦初吠蛤草岸已鳴蟲三
徑思茅屋歸艤憶釣筒淵明寧隱者魯望豈漁翁

遊妙香院

說似桃花寺逢人舉舊題山門循古磴閣檻枕清溪三
老催人去孤筇得暫携龜峰仍不遠觸熱未能躋

莫萬安要平題知津閣

勢並江磯起簷因佛屋高青羅一縈帶石黛四周遭謂

我其留句誰知老不豪
慙來還亟去豈亦病滔滔

游彰法寺打擢秀閣詩以行

四海擢秀閣茲晨彰法遊
名隨寺俱徙地入道家流
尚喜黃詩在仍容墨本求
從今茅屋底自有皖山幽

留題鄭山人

昔到曾看竹茲來待酌茶
林深驚吠犬路曲轉脩蛇
愛客自不惡教兒仍足佳
半園如可買欲種邵平瓜

懷舊

千林猶自綠一樹獨能紅
午霽全收外夕陽將墜中
畫誰能事獨詩我故人工
物色淒涼甚裴回諷詠同

詠智門寺前古樹

愛此山中木真能閱盛衰
近從吾祖日遠至迺孫時
往多摧折堂堂獨保持何
殊孔明柏但乏少陵詩

題梅山

望覺林巒合行知隴畝分
轉亭橋跨壑入寺閣連雲
薪水僮奴事經禪長少勤
令人生愛敬何止息塵氛

詠武安山塔

矗矗南山塔亭亭古邑標
閑遊賒積歲共宿憶清宵
火出知天近層分見木彫
未須輪犢健直欲便鵬搖

再登愚卿無盡藏時已重脩

涼風簷外入皎月坐中流
白首無新句青山非舊樓
一杯寧惜醉萬事入搔頭
勿向欄干拍恐驚江上鷗

吉水落霞亭觀程運使師孟留題作

倦客扁舟泊危亭落照微
餘霞信如綺孤鷺更齊飛
感

嘆昔所作傳聞今則非江山有如此風俗應未違

書買江天閣壁

趙壹鄉黨擯陳登湖海豪飄飄風欲舉凜凜雪爭高眼界自無極畫圖空復勞未須驚白髮聊得湛春醪

成父弟作書室於前山舉予舊名堂曰青氈以榜之其旁一窗政直瑞峯取曾大父留題之句
榜曰霞牖賦詩二首

土斷既已久北人誰復論莫嗟前輩遠尚有東書存未

免文科事猶須素業尊
悵余今白首寧復振吾門
避地初尚走吾家住瑞峯
曾門有遺刻一代仰高蹤
幾恨煙霞隔忽欣窗戶逢
眼明聊隱几足倦免扶筇

書方伯謨窗間

問此林間屋何年所築成
開窗山自入遶屋水長鳴
可靜看書眼如參琢句聲
白雲原上宅比並孰堪兄

題乾明庵

誰結道人廬前臨博士湖

或云博士姓王東晉人
今雙港王氏其裔也

名非

竄荒李官是避秦
廬隱德雖無述
清風不可渝
嚴元有孫子
徃徃混樵漁

俞孝楊殖齋

士患不知學
既學思有終
一年農作計
十稔圃收功
四業獨為重
九經皆寓中
勉哉期歲晚
禹稷與顏同

無盡藏境界

窈窕磯頭路
參差木末簷
朝嵐變明晦
晚照出濃纖
舊日詩故好
新來才更添
嗟余已衰薄
彈壓不渠厭

題劉正之所得綿州摹本畫鷹

姿態何雄傑盤拏更崛奇
曾聞左綿畫舊熟少陵詩
說似殊方寄還容老眼窺
君手速收卷燕雀恐驚疑

隱山寺梁昭明題額

山深不知暑五月冷如冰
寂寞前朝寺風流帝子能
田荒空野水樹老半枯藤
不盡懷人興鐘樓日暮登

寄題分宜簿舍懷古閣為劉公度賦

雖云閑主簿曷日顧能閑
因榜白雲句遂追千古還
功

名常慕隴事業亦希顏易地能同道高山俯仰間

覓應氏庵

祇知嫌湫隘何意落崎嶇問路因居者褰裳媿僕夫慟
曾憐阮籍泣豈效楊朱不費幽尋勝寧思捷徑趨

與契兄

因懷碧雲友發興青林端要盡深幽趣渾忘下上難泉
聲流咽絕松韻響高寒久作廬山別疑從夢境看

與契兄相遇於鄱陽同遊薦福寺

佛寺誠避俗道宮還少休摩挲湯餅腹嚙漱乳花甌愛
此當簷趣同為解帶留不惟紆我暇聊亦散吾憂

同成父逸遠自桃花遊龜峯復回桃花賦詩二

首

杖策入龜峯行穿數里松殿依山立壁門逕石成蹤藥
有仙靈異僧纔粥飯供青冥誰為斲衰疾奈何攻

道傍松上

有懸蓋二舊聞
為茯苓苗云

薄暮出龜峯何嫌細雨衝道邊方閉戶溪閣正鳴鐘客

意冷如水詩情哀似蛩更思眠借榻終夕聽淙淙

遊吉祥寺

寒深朝未定暖翠晚能佳不飲青帘酒來尋古寺茶連
枝空綠竹獨木漫桃花埋沒聰明水淒涼六一家

遊太平寺

一水縈紆渡千松高下栽童師空有塔皖伯已無臺似
為尋山至那因問法來茶香從汝供詩味遣誰陪

遊茶山廣教寺

在昔鴻漸宅當年東野詩兩賢雖可象二士豈難追
汨泉鳴谷青青竹守墀平生志獨往晚歲敢平期

題東臺寺

日日東臺寺今朝一葦抗不關公事了政以病軀妨大
士遷居夢寒爐得聖香世人空自異吾道本何方

假宿總持寺從僧如應偕讀高僧詩法欽所編
無為子所叙者

攜衾林下寺偕讀碧雲詞窗迴月資白林疎風起悲生

平故耽此坐久覺忘疲造請非吾事幽期不在茲

蓮蕩

舟涉越溪悲梯攀玉井危何如澹成映更有綠相歌不
作騷人恨頻成謝客詩釣船如許坐蓑笠不辭披

題白龍洞三首洞在常山負郭有俞叔夜留題

循除初瀨瀨出谷重潺湲驟或鳴琴瑟幽疑雜佩環茶
經不載陸瓢飲合居顏借問龍君事異辭紛莫刪

瘦竹依奇石流清照古梅那知道傍舍遽絕眼中埃肯

憚巾衝雨深防屐破苔病來無脚力一為上崔嵬
俞君昔行倦曾此見留題丘壑胷中具煙雲筆下躋如
聞在干越復道走江西使我登臨處依依獨杖藜

王巖

二十一日昏時雨後解舟三山絕溪過招真
方元直寓焉因謁之王巖之傍為徐巖徐巖
之傍又有所謂射虎巖者道士言王巖猿猱
甚多僕舊亦嘗見之徐巖屬居民家蓋可賣

而居也作二詩

夜入王巖觀真同久客回望松知窈窕次背識崔嵬有
客成幽屏談詩記昔來暫遊還契濶欲去重徘徊
灑落松搖雨飛流谷墜泉畫圖難寫貌詩語易流傳射
虎石誰沒說猿童謾顛徐巖蓋可買羞澁欠囊錢

李通判休日約僚屬追涼於淨因已復酌於美
葉館既題名於寺之壁為賦唐律

野寺依林木官園帶芰荷飯蔬朝共集尊酒晚成過歲

月記遊勝禮容寬俗苛公能數傾倒我得慰蹉跎

題飛霞亭

處處江邊閣悠悠客子詩欲知歲不與驗取鬢中絲風

雨淒其作江山益爾奇憐渠不解語有恨莫能知

作此詩方

閱東湖集忽思此公嘗為別駕而無其迹前輩過此多矣快閣得山谷詩而名益彰知津亦得坡公之句此獨無有可嘆也

謁孺子祠

務創西都獎寧知此一時忠邪爭憤嫉基業竟陵遲豈

曰忘五就哀哉逢百罹嚴陵亦同趣始盛及終衰
潛德固宜祀高文寧可埋淒涼危像設漬蝕半莓苔昧
爾前賢貴空令見者哀欲言寧我聽小立謾徘徊

避雨入總持寺謁澹臺子羽墓

瀕湖有幽寺避雨適來過吏役毋庸遽幽尋所得多雷
祠真詭特古墓絕微訛鳥篆森奇畫龜趺再雅歌

慈泉

山骨何時鑿泉泓幾許深羶薌四時供教養百年心派

可栽蓮實傍宜引竹林勿云閑草木于以助徽音

山谷食蓮

詩有分甘念母慈之句
竹亦有以慈名者故云

周十三丈約同馬三丈入青原山賦詩五首以

記行

渡江不待餉勝士約三行夢境故常在重來年漫更又

成春霧掃何日野田耕要向思公問燈明香縷橫

郡方祈雨

有見匪山色所聞非市聲思公藏有塔釣士隱無名兀

兀故林願悠悠流俗情經禪雖未暇樵牧念餘生

艇子君先喚，籃輿我復追。聞鐘疑寺直，見塔上林移。早起猶思睡，衝寒故覺羸。山遊定何得，飯飽細吟詩。

蕭散得終日，驅馳難久居。滅癥蘇病竹，拋食引潛魚。問話僧尋蜀，多茶碗似盧。主人佛事外，遊戲亦多餘。

住山法宇

游山忘襍被，喚渡已無航。隔岸初更動，緣沙數里長。大呼空亟疾，小立更微茫。莫遣眠鷗覺，笑人朝夕忙。

二十八日同臨湘尉曹呂益卿登岳陽樓

地已兼旬住，樓孤百尺登。誰與同我適，政爾待君曾。韓

杜愁來讀西南樂得朋仲春新雨霽山遠水波興
草沒重湖路帆孤一葉舟飄風來復斷凍雨落還收游
目窮天末題詩欠筆頭登臨有如此好在岳陽樓

自九度至衡岳呈同遊潘文叔二首

聲確渾因石飈飈半以松秋難添老狀老木怯秋容過
日朱張句當年韓杜蹤辭工欠詩本理到倚談鋒
衡岳文公寺南昌梅福官意馳雖若近身到每疑難社
木悵鳴榔集賢欣解鞍未須論契闊聊復話團樂

送趙一叔江西漕赴召三首

兩載皇華使江湖得少寬見皆儒雅錄聞絕惠文彈內
外有輕重言行無易難春秋賢者責傾耳向長安

聖朝無闕政賤子有私憂盜賊何多報邊防益弛謀循
良宜擇守德政合交脩懷此言無路公今近冕旒

我捧江西檄公乘使者車飛騰今已去留落又何如誰
敢懷離濶惟思讀詔除九州期大庇寧獨愛吾廬

奉送達之秘郎還豫章親庭

吾友不藏善相逢過所聞政茲欣再見忽爾歎離羣舉
子名場事躬行聖處勲相期在白首勿漫躡青雲

感懷二首

無聞真已矣曷不遂歸哉試問惠文治何如三徑開人
嗤曹是馬夢覺蟻安槐得喪吾知己詎須呼去來

佳客與涼風俱來破蘊隆風流自江左材秀又湘中未
暇嗟渠屈端知慰我窮囊錢數元叔斗酒羨無功

送常寧吳尉并屬寄聲吳交代尉比行余亦行

追作此詩與之

我有章貢役而君亦解舟飛騰今有路憔悴不同謀黃

甲昔簿尉秘書行校讎同年若同舍好為話綢繆

尉恭叔同

年也

送王亢宗赴建德尉

雁斷行連雨梧乾葉隕風悲涼今日別邂逅幾時同末

路多浮梗吾生甚轉蓬青衫溧陽尉不歎孟郊窮

寄送周子中監丞赴舒州二首

引嫌初補外懷綬復頻年自得山水勝定由仙佛緣往
遊成舊矣有夢尚依然六字今誰嗣留題乞我傳
欲問淮南米皆云歲不登疲羸不難活摩撫政須能但
使荒田闢無勞鑄鐵增素書寧敢寄苦語未宜憎

送趙成都五首

蜀道當謀帥維城孰愈公夷陵護江左斜谷顧關中北
敵心豺虎南蠻勢蟻蠹守攻雖有異鎮撫不妨同
不但元戎貴仍兼制使雄深沉天與度簡敬學成功人

士薰陶內兵民教訓中詎應先卻轂寧復後文翁
甫也會依武君平直見強沈冥幾大隱坦率異真狂此
士不易得遺風今未亡經過下簾肆好覓浣花堂

是別且萬里可無書數行經過連鄂岳留滯隔沅湘渺
渺孤鴻送悠悠一葦杭有懷春水濶無奈暮雲長

雪嶺瞻新鎮冰溪想舊州向來欣御李今日悵依劉有
志思乘興無才稱拔尤深知取義負不假採薪樵

劉茂實赴省袖澹庵舊舊贈見過索送行詩用韻

蚤日已俊茂高交仍老成貫通雖七畧陶冶異長城

君學

劉人作詩

聖世惠才少忠言繇主明平生揆眼看得雋每知

名

追路送誠齋到灘頭驛

樹樹春花阜田田秀麥滋雖持玉節貴不廢筇輿詩追
送寧辭遠乖離故在茲無嗔白頭舊一見有深知

書灘頭驛

閉戶只書癡郊行粗有詩翠深千頃嶠煙迴幾茅茨雨

作衣添袂收遲晝不飢舊題看好在重是一春期

送李袁州汎舟入浙

晦庵無

闕

著泛宅又吳淞載月初尋棹看山不藉筇聽

渠猿鶴怨心喜鷺鷥逢遙想題詩處楓橋半夜鐘

送李元藻入浙三首

唐室登科士多因行卷知至今傳不朽猶或謂能詩辟
置仍於取山林亦固遺莫嗟今古異窮達豈人爲

漢廣求才路嚴徐出上書朝猶辱徒步暮已待公車今

世無茲轍夫君欲振裾雖然寧有限或者為吹噓
我作長沙客諸公多與遊聞風亦云舊識面悵無由忽
辱高軒過仍蒙古句投偶從旁舍去不辦小淹留

送信豐詹丞并寄贛陳丞二首

此地已窮域更乘惶恐灘家聲詞學舊勇退急流難使
者威嚴霽尚書禮數寬聽渠丞訾訾也勝尉酸寒
君見陳夫子懸知問我能江鷗慣眠草野鴈怯逢矰矯
首困疾首折肱懷曲肱攜家能有弟託死豈無朋

送王子尊赴衡陽丞

王郎妙人物獨步尚江東昔尉既不醉今丞寧肯聾相
依脣齒國忽去馬牛風清絕官曹外何年著我同

送趙詠道還侍兼簡然道昆仲

既見章江水重逢懷玉山匆匆成履躡草草僅荆班遙
想獻觴後應多對雨閒期君好兄弟並轡古人間

寄晦庵二首

道大誰能與才難聖所歎浮雲雖翥掩寶氣不終蟠走

卒稱司馬蒼生起謝安縱無臨賀送當有翰林觀
張膽言何壯擎天志未摧真成一夔足何有萬牛回感
興能無句憂時謾舉杯江湖嗟屢役巾屨阻追陪

寄趙元歸并屬元默三首

憶在袁州見曾遺滿紙詩臨川得再面近作重相貽我
老已成退君才真爾奇縱能連日語寧慰積年思
撫信元相近乖離乃爾賒何堪落湖外動即阻天涯嘆
我干微祿期君起故家文科須中早學力更功加

默也未識面向來曾予書由來幾兄弟絕嘆每乖疎見
說長沙驛猶遲古寺車差池今再矣佇立又何如

寄韓季蕭二首

怕到看經院愁登擬峴臺人言已仙佛我意祇悲哀此
道誰人付陵陽有後來欵門期一見投刺只空回

近與李商叟共談韓季蕭舊擅餘翰墨幽寺樂簞瓢問
友多冥漠須君慰寂寥云胡又相失於此亦何聊

代書寄襄陽令于去非

來往豐城縣尋君總不遭如聞漾鳧舄已復用牛刀往
事多遺跡邊庭簡吏曹莫由同古訪尚擬見詩豪

寄喻叔奇文二首

不見喻工部經今兩暮春遙知磬湖上不減浣花濱佳
句能名世浮雲豈絆身為貪煙雨勝聊復駕朱輪

飲我長安酒歌公亦好詩試思猶宿昔忽念已差池要
識園林好何由杖履隨有時觀叙夢亦復嘆吾衰

代書寄劉伯瑞仲文叔驥二首

每憶分攜地蒸湘綠遍春于今懷想處苔雪暗迷津但有乖離數何由宿昔親附書書復懶君自識吾真

難兄兩別駕難弟一叅軍從仕信多譽傳家仍茂文嗟余空白髮期子在青雲寂寞題詩罷林窗日半曛

代書寄俞玉汝

送弟秦淮遠懷人楚驛長素書慵寫得白髮漫相望再見知何日孤懷只自傷春風桃李徑流淚不成行

舒州之感

吾輩

所同

寄懷趙南紀二首

聞道君先我論交我愧君長沙辱傾蓋懷玉悵離羣怪
底書多枉情知義薄雲金蘭雖甚篤藥石願時分
自別匡廬去名山不再逢圖看白鹿洞詩詠紫霄峰泉
石難名狀煙雲幾許重巾車君儻命襍被戎斯從

寄梁從善

梁官
道州

舊說春陵郡全如石作州胷中飽丘壑筆下剖琳球遙
想窗扉廠多能磊落收平生有餘嗜安得致林幽

張王臣貺詩詰朝遂行次韻寄之

書貴在瘦硬詩須成管絃典刑君尚有老至我加年早
作諸侯客遠勞從事賢見來元不歎別去忽何邊

寄懷大聲兄弟叔文老丈兼屬三王叔姪二首

聽雨侵階竹歸艫入檻荷天晴龜曝背人靜鳥吟柯挾
冊弟兄對煮茶賓客過居間有此樂余乃事奔波
今代河南客當年吏部孫青氈餘翰墨白髮念田園邂逅
成相識飄零忍重論三王如見問寄謝勿辭煩

九月一日晨起風物淒然不勝懷遠之思作五
首寄和父慙申併煩轉致湖池二州也

作別已半百得書無二三飄零各天外搖落共江南此
去仍加遠相思轉不堪懷哉對床約老矣折腰慙

節佳重九近風急授衣初茱菊年齡邁楓櫂日夜疎欲
題懷遠句頻展寄來書慙子能思我申兒更憶渠

秋氣故悲哉連陰況不開黃花九日近白髮數莖催山
際擎新塔江邊峙舊臺謾看雲日暮安得雁同來

臺謂
凌歊

塔在玉山
之水南

姨母比苦脛涉秋今若何音書君定密離苦我何多鳬
爲思文瑞燈窗想驥和何能俱歟集未厭數經過

秋浦新爲別秋風闕寄書雖然聲問闊未覺夢魂疎杜
牧登臨後宛陵吟詠餘三冬如有暇五字不妨渠

重陽前一日同成父二兒遊新庵

細雨不濕路薄雲空礙山窮居嫌局趣乘興偶躋攀並
水楓初落懸崖菊未斑清游了無累短句不須刪

楊謹仲和頃者三詩見貽復次韻六首

江南秋得閨草木向遲彫正性失松檜羣生同艾蕭漂
流又舟楫隱約念簞瓢
暑猶須葛誰能遠致韶

去年才一識何意復茲行
隱墅全依郭幽居亦占萬
金真國士十室漫鄉評
漢制誰綿蕝且徵齊魯生

功名誤黑頭晚卧北山幽
落拓揚執戟浮沉馬少游
豆芻千里駿煙草五湖鷗
早晚相從去高深日縱搜

病骨覺難強鬢華驚易彫
壯懷鯨訪李老習蚓同蕭
久

已思拋笏悠哉曷泛瓢東遊穴探禹西上石賓韶

江湖余所樂歲月老于行酒有杯中趣詩無世上名悠
悠真自得悄悄莫加評尚要高交友風期同死生

不減浣花頭仍兼事事幽渾忘帝城札好在竹林遊有
意求如願無機防海鷗秋涼入吾樹舊讀定能搜

次韻莫令因近使者同泛舟至漂神已而誤焉

問宿臨江鍾氏之閣二首

我割僅鉛刀公銘比孟勞莫酬談絕倒難和句揮毫既

誤前驅遠不妨乘興高悠然風月底脫畧異官曹

壁月儼中懸村空聽悄然借床依樹閣輟棹上灘船物
外我懷趣區中公了緣異時殊出處安否要詩傳

慶伯以二詩送別已而又辱同廣聲追送慶伯
復有所賦併次韻為答三首

在昔歌詩義嘗關治亂音流傳縱今體陶寫亦吾心未
答論交作還賡送別吟識君子此道亦復用功深

凜凜君中外堂堂國盛明曾聞百年契豈待一朝盟老

矣我何事勉哉君勿輕科名雖世業直道是家聲

試問為黥郡何如與質要其行既穹絕有思只飄蕭但
悔嶮投足未論官折腰同舟故能送折簡不勞招

再來常州昭禮出示虞山往來詩卷先是昭禮
與予共載昭禮上虞山予過溧陽昭禮有詩次

韻

舟人厭牽挽我輩樂縈紆晨起愁分背逢人屢問塗看
君着屐進雅勝折腰趨此段真高邁詩中不可無

次畢叔文見貽二首

山川畧吳楚歲月涉春秋為米媿元亮乘舟思子猷黑
貂塵土重白鬢雪霜稠志合成三益詩來減四愁

寂寞吾知貴紛華世所榮常評敗素紫孰愈濁纓清爵
祿心無食山林志有盟幽居自空谷哲婦乃傾城

次季奕見懷

雨脚何其厚雲頭不易空病憐山叟甚詩喜故人通慰
藉殷勤裏吟哦悵望中地爐無熱火林屋但鳴風

次韻歐陽伯威見和

宗派滔滔是于今得障流無悲和者寡故愈暗中投我
願下取履君其高卧樓穹罔如許割肯愛一官休

劉兄垂示同張兄遊向園呈先生詩卷次韻

聞道興籃出興懷反棹時身雖縛官簿心豈忘筇枝已
後斜川集方賡人日詩因君竹林詠動我故園思

次韻子肅懷遠齋併以見及

如公人物表上下孰分床但有官成集初無智作囊所

嗟人契濶不為雨悲涼顧我端何幸新詩獲夜光

陳擇之經過以贛守留尚書得祠亟歸別之其

行甚遽途中有詩見寄次韻

過我不停軌嗔公但憶歸民思河內借士失荊州依別
去日易極詩來寒益夜今時未為貴歲晚望荆扉

僉判丈兩賜新字韻詩因次韻兼簡文顯

連朝枉詩句俊逸且清新歎我徒勞思知公固絕人林
園能數駕風雨未妨辰作底周夫子關門懶似真

次韻審知寄來二首

一日復一日何勝一萬周
有山皆萃萃無水不悠悠
為我謀歸策將詩說舊遊
山林與城市吾亦任來流
書去愁難悉詩來造愈奇
為言僧可寓為念索空垂
鳴鳩驚時晚羈鴻暫水湄
逆風仍上水日月是難期

復次韻呈沅陵諸丈并懷在伯二首

逸興猶鷗白殘驅異犢黃
青衫漫蠻府黃帽合鱸鄉
既自老將至何由心甚長
倘能藏斗酒未暇博西涼

佳詩如雋永餘論最雌黃幸甚官同府懷哉居擇鄉江湖身固遠風月興何長勿作湘纍弔行賡殿閣涼

成父有詩懷斯遠次韻

港汊自相見去來元一風無寧敢天怨亦未決途窮白社明朝是南山幾驛中君歸不能遠我去若為同

次韻吳仲權鑑見簡

今代風騷將先生合冠軍幾年求識面數刻遂離羣江急舟難駐風回櫓細聞還家經醉卧斜日對爐熏

教授丈作黃字韻詩十首愈出愈奇而有作法
孰為涼之句何耶因次韻以見窘

苦思髭催白交馳耳困黃欣欣貪得侶落落異殊鄉
顧欲窮余短安能敵衆長蒹葭倚玉樹華袞照龐涼

廣文先生送詩方思所以報之而未得忽鸛落
庭樹殆天與此韻也李君在傍知狀

君亭搖鷺羽我樹下鸛黃政爾無何境能來底處鄉
搜尋疑日短吟諷喜風長獨愧非韓敵聯詩效納涼

次王照隣滕彥真韻二首

黃妳能生睡朱絃孰寫憂客居茲已病歸去合成謀華
嶽雖遙吏陶窗得素求小舟何日具湖水正漫洲

王子詩如照滕侯隱似真倘來寧取遇居易若為屯酬
倡雖纔始風期自夙親江湖縱悠遠德盛罔非隣

次滕彥真韻三首

地接沅湘古人留屈賈香政須煩勝士時為發幽光貽
我祛愁具懷君待月章朦朧成少味失喜見琳瑯

暫作長沙住侵尋兩過年蕭然唯壁立終矣久蓬編盡
室嗟長客歸途喜再緣還家定何許當在早梅前
我欲湘西看行須覓渡船何如臨絕頂得以盡長川鷗
鷺煙雲表蛟虵埃壒前隱寧分大小那更別山鄺

次韻叔驥兼呈伯瑞二首

晚作臨邛客相如真倦游又成悲卒歲及此問歸舟共
隱期他日相逢記此州江湖有來雁可以謝書不
貽我五字句清詩曷以酬端知檄愈疾未信酒忘憂多

難屢瀕死諸兄虛見收病駒叨蓆秣顧影益增羞

陳丞以南安寨上所得二詩及到龍泉聞余戍
地最遠見懷二首為寄次韻

郴州何許是山遠水仍多江徼重重柵田夫戶戶戈雷
同嗟不早嘆我亦奔波未必甘如此而今敢謂何

路窮千澗底人絕萬山旁暝宿茅寮冷晨炊土竈荒多
年布衾裂倍覺夜蔬香有底從軍樂題詩日在忙

問我能嗟遠如公肯見卑十分期一見四首僅蒙詩儻

許抄傳可何堪絕贈宜雖然籍湜輩附此姓名知
剪茆仍伐木去凸亦鉏鋤響屐無驚謝投金政擬郊百
年終顯晦一稔在肥磽隱地兩成隔顏牆空長稍

再用前韻并寄孫推官四首

試覓圖經看宜章路幾多彼謀寧去穴吾備且橫戈累
土生平地安流起丈波計愚無可採敢復問云何
恍惚迷來際周章失去傍怕聞行戍遠愁聽哭田荒要
挽天河水方焚玉帳香夷吾政分閫吾黨詎應忙

青雲懷趣逸黃綬屈官卑屢捧將軍檄一哦從事詩少
陵憂有在充國事多宜儻上休兵議因人願早知
我亦端渠似圖中見此坳一身非憚嶮十日未窮郊問
水水源絕逢山山石磽政便安蹇足敢說負蕭梢

次韻深父送行

吾行殊坎坷此地極淹留少欲破萬卷老惟思一邱謾
言詩作祟長愧食為謀糠粃君其務農良乃有秋

子進示懷玉詩卷有歸途見懷恨不同遊二詩

次韻

望壓大江東茲峯獨著雄潛珍伏其下神畫隱於中舊俗多龐說因公得細窮從今逢有問身與到山同

山有英靈在眼應青白分問禪公得髓呈佛我無文意賞人知獨神遊默固羣清詩傳妙旨讀罷雨花紛

顓丞魯幼度相邀過明叔買江天閣幼度有詩

明叔與成父弟皆和之亦次韻

落木千山迴空江一帶橫畫圖非意匠詩句亦天成老

我頭今白逢渠眼暫明
詰朝山嶽隔杯面莫多爭

遠齋頌寄在湖日所作三詩舟中次韻

黠陟無新報山川懷昔人
詩能言我志貧不累吾身
登眺盡遺勝經行那厭頻
江頭釣竿客何物是元真

近日杭州見殷勤
蒙置樽別來幾朝夕
書問欠寒溫
譚妙元超詣詩高外
語言何當從杖履
底盡得深論

向來吳楚隔書札
苦難通信與衢相接
我歸公亦同寓
懷須酒聖適意豈詩窮
情性思陶冶
吾寧較拙工

次韻愚卿留別

有約端能赴如君信可人解衝衝嶽雪寧問海棠春雨
後雖懸榻泥塗政沒輪笑談能款款書札勝頻頻

次韻鄭季奕見寄二首

暑退伏纔末月明秋又中蛩多喧向夕蟬寂罷吟風留
滯周南事蒼茫阮籍窮寄書無厚祿猶喜見詩工

一寫山中信自嗟天外人詩無詠貧士政豈失窮民已
悟哀仍樂勿論亨與屯我交非勢利寧有白頭新

次韻黃子耕因任伯起見寄之作

客有能相覓書來慰我思
貧寧可詩罪老不悟書癡舊
友塵長憶新交易取知
况渠停軌日政我出山時

三詩寄郭古夫

巫峽聞歸旆瀟湘說定居
若親千里面曾捧一緘書
山檣風霜老江楓日夜疎
窮秋已涼冷體候復何如

往日臺郎選今年散吏員
詞華推匠括問學得師傳
視草應栖掖談經合細旃
諸公曷逃貴詔旨尚求賢

近又降賢

良詔

丐去秋今晚能歸歲且除須公一尊酒勝我十年書生
死交情異乖離人事疎如聞厚風誼何敢自趨趨

至夜讀子肅詩卷帖

應闕

能頓除明當增短日後且愴離居恨

我平生友翻成咫尺疎為生端不易作客又何如

淳熙稿卷九

欽定四庫全書

淳熙稿卷十

宋 趙蕃 撰

五言律

午飯資福寺

病骨怯秋凜羸驂疲路長人烟少行店樓閣見僧房憇

息今成暫從游舊不忘却塵看姓字淮楚路茫茫

文叔舊寓

此剎僕嘗過之有畏知題名存焉

二月十九日同兩都監沅陵令尉錢叙浦簿公
子興福

隨處野花發所須村酒沽江平初出岸山好漸成圖從
此經行地能留物色無少陵那老蜀張翰政思吳
慨我復成留辭君重作愁春風渺歸鴈野水迥浮鷗已
別還來見因行亦當游同僚二三子杯酒互相酬

過明叔有詩次韻

出門無所詣引興獨茲長萬事一杯酒三春百草芳暇

能過巷隱癡豈累官忙久坐疑成晚樵歸漁返鄉

春盡

南國春方盡南風吹畫長野香花襲草秀色麥侵桑客
子政懷倦田家任苦忙悵予終愧汝垂老未渠央

春盡日

山密風蟠木簷疎雨著牕擁衣憎舊絮酌酒愛新缸放
意初無累冥觀久已降一春今日盡歸夢渺三江

寄在伯二首

積雨早涼天南風下水舡江山渾未識魚稻不論錢在
路幾何日得詩多少篇何當重相見尊酒話蟬聯

成我中興年朝家政急賢侍臣更論薦東閣重招延子
去當茲日才惟莫與先習軒經濟學於此定為川

寄鄭伯元

時作涇
縣丞

文學崔斯立才名鄭廣文傳聞定省暇不廢簿書勤流
落誰如我交親更念君水西佳絕處詩就想超羣

寄徐李益四首

不見徐夫子於今已二年轉頭疑夙昔屈指悟推遷書
欠洪喬寄詩煩阿買傳相思到極地把誦一悠然
君不減徐穉豫章仍主人結交非勢利此客况清真
日山中友他年席上珍玉堂如伴直怨句不須陳

呂氏多人物譬之珠玉淵世官渠有命家學定誰傳籍
甚羣公譽皆云正字賢掖垣君舊識聊與話當年

我已非青鬢君今定白鬚田園稍治否寢飯比佳無聞
道為歸計何當出此塗相期一邂逅得以話艱虞

寄公擇兼問訊季益二首

憶昨分携地陰風送酒杯深嗟九日菊未說一枝梅我
友多貧士夫君况茂才行藏苟無媿流落未須哀
孺子家何在溪邊百尺臺句追唐甫白詞鄙漢鄒枚此
士誠高邈諸公謾挽推因過問消息幾日送詩來

寄審知并屬彥博三首

病榻論詩罷僧興趨駕歸倦書疎竹几多夢逸湖扉亦
葉霜前墜黃花雨後稀直堪凋鬢髮何祇減腰圍

地迥林迥斫湖深水易平隣多為圃住門有趣虛行遊
釣昔愛此林廬曾屬情誰歟二畝乞已矣一枝營

豫章稠衆水孔翠逐羣飛梁棟期終用文章莫露機枉
為時俗忌空使寸心違語以王郎子因來荅是非

寄成父并帖彥博審知

貧賤分離苦飄流日月除重沽分歲酒空展寄來書祖
印書齊架章泉竹遶廬生涯故在此調護合何如

霜落湖邊路林疎溪上居向來行載酒今日問憑書一

飽異初計五言真累渠故人誰我念煩為語王徐

寄懷伯瑞

四海今詩伯三衢聊署曹望之甘錄錄桀溺病滔滔有
志躬簞笠寧能類桔槔我交天下士如子未多遭

文叔轉送畏知初到長沙寄諸弟及示同志二
詩次韻寄畏知二首

山林容我病道路憶君長忽枉瀟湘句中含屈宋香細
叅同晤語深卷勝書行歸棹知非遠胡為苦念鄉

畏知
欲隨

微來挈

家故云

聞道湖南幕人無第二流
文書有餘暇風月可銷憂
夢遠寧能續詩成謾益愁
幽庭步春草難撼屋山頭

寄明叔且示逸遠

別我已似久起予當有詩
筠牕坐風雨兜輦樂塤篴
歸日近休日春時盛此時
觀山仍快閣太史昔幽期

寄李寧卿

不寄來南錄但傳多景詩
長安分袂後湘水寄書時
我

欲歸三徑君方聞四馳未知回首地寧有盍簪期

以舊詩寄投謝昌國三首

昔在方齋老南遊為我言廬陵得佳士康樂有賢孫許
可渠不易殷勤相與論元賓雖已矣所與見如存

我有江西役清江公所鄉放舟頻下上欲見苦參商扁
榜書皆到流傳句必香何當仍大嚼鼎味也先嘗

活法公家論東萊蓋有承先生真伯仲小子愧雲仍味
味鼠為璞紛紛蟲語冰今朝方見佛平日謾依僧

寄周文顯二首

我敬周夫子安貧得士常耿耿居陋巷隱若臥襄陽應
對昔為役滯濡令阻方雖慙壽陵步猶擬舊君傍
白雪郢中少青蠅楚國多知音自古爾讒口奈渠何皎
皎寧遭汙冥冥豈畏羅秋風下庭葉乃見貫時柯

寄懷徐行仲

夢想西禪寺春陰遶夏池投枝語鳥雀叩檻出魚龜用
舍平生學嬉娛即是詩覓公端不晚江漲即東之

聞楊謹仲得車輅院又聞其哭妻有寄

得酒不孤酌有詩仍寄看親春聞失伴執戟報除官浩
蕩皆鷗鷺翱翔豈鳳鸞嘗評峽江上山水似嚴湍

寄明叔

聞道南池上日來幽事多株株搖弱柳柄柄出擎荷長
夏端能好新詩况可歌無庸問凡楚一以付無何

寄劉伯山

伯山時
在太和

魁梧任嘲劇短少蓋風流邂逅為願解殷勤成刺投遙

知江夏閣不減仲宣樓頗願相從去湖南兵未休

寄王彥博

年來困奔走事與素心違歲晏草木肅天高鴻鴈微故人天外別尺素眼中稀問我還鄉旆春風當與歸

因曾相士寄韋南雄

窈窕梅花嶺風流燕寢香如聞省條教復道富篇章近作凡幾首新來無一行因人問無量併遣驗徵黃

次韻歐陽伯威因書見寄

病過一春事不惟嗟索居酒杯疎到手藥裹每閑予曹
務寧知馬悲歌豈為魚故人能枉問安否報何如

撫州初程夜寄孫溫叟甘叔異

水激成悲壯星稀乍有無店荒客託宿酒遠懶能沽冉
冉非今日遑遑媿此途孫甘兩奇逸蕭颯舊憐吾

周愚卿同內子遊仰山南嶽後予一日行途中
寄之

溟濛初莫辨飄灑忽成妍地豈三千界山迷尺五天畫

圖寧有此言句可無傳却恨與周子行差一日先

寄胡達孝二首

中庸有胡公千騎乃安豐氣自論詩合情因叙舊通莫
窺鴻鵠志相望馬牛風邂逅長安使丁寧覓置筒
問訊安豐守開藩且半年秋收多少麥春闢幾何田但
使民能足端知化已宣譽毋求赫赫腹肯媿便便

用斯遠韻寄趙湖州三首

竄迹窮閭底求交四海中為懷黃閣老長詠白蘋風遠

祿寧堪藉吾身未適終何山道場麓政爾屬君公
薄暮雨如馳中宵月半規真成憶玄度不是突西施
墜風枝急蛩鳴露草垂不眠還索句自笑欲奚為
別去雖天外書行每便中晝吟宵不斷夜夢曉還空
時用有顯晦交情無達窮看公與徐孺寧復計違從

寄趙湖州

平生清遠地幾首往來詩獨負尋山債長年屬夢思
故人今五馬薄宦乃南夷要寄登臨勝當來墨妙碑

寄周畏知

書疏雖能數飄零可奈何每懷談緒遠更益鬢絲多治
行今難及聲名保不磨公寧免騰踏我乃願婆婆

寄李處州

近別遽累日逢人空附書雖能道所以未辱報何如千
里江山外一春風雨餘夢成同泛宅起欲命籃輿

寄喻叔奇

雨雪長安日羈栖獨旅時累觴欣會面到處益潛悲舊

識文章伯今猶國子師何當一持節來惠楚人為

辰故
隸楚

公有補
外之意

斯逵徐兄攜李丈子永去冬江上詩卷來成四

十字寄李

建鄴復當塗征行歲又徂青山奠椒桂白鷺泊菰蒲人
物豪三國文章到兩都因君俾傳誦使我不枝梧

聞曾幼度近況於陳擇之作二詩覓使寄之

自辱緘書報於今歲有秋飄流聞客語消息解人憂薦

贖新頻上詩聲舊得優君歸定蓬閣我去復炎州
夜醉江天閣賦詩殊未央自茲悲契闊誰復慰淒涼有
抱何由寫因詩得寄將丁寧贛江水莫憚遡流長

成父弟書來報朱先生過玉山留南山一日且
有題名余不及從杖履為恨輒成鄙句寄斯遠
彥章且示成父

聞道朱夫子南山盡日留經行還阻見會合信難謀湛
輦我無與顏徒君好修題名凡幾字好為刻巖幽

寄呂謙益卿三首

多謝臨湘尉書來併枉詩夜吟忘夕寐晨誦愈朝飢我
亦窮耽此君仍老嗜茲雖然不相棄竟爾欲奚為

一尉荒山裏高名四海中初非大夫逐定自漂陽窮薦
士猶王政招魂已變風懷今更思古佇立晚江空

誨我肱三折思君腸九回盡忠真藥石欲報異瓊瑰交
道孰云喪古風今未頽狂言喙三尺百罰酒深杯

代書寄呂益卿

問訊臨湘尉冬來定若何凶年無盜否清俸及時麼再見不易得惠詩空復哦素書慵寫得此紙字無多

示嚴君

酒債未忘索詩狂無用嗔年華猶是臘風日已如春我鬢蕭蕭白庭柯濯濯新晚來暄暖劇還遣振懸鶉

臧正卿示舊所唱酬秋字韻詩軸要季承同用韻贈之

平生人物論自謂富陽秋滿世多遺恨相逢足破愁獨

憐金錯罄虛負木瓜投風節他年事期君折檻游

夜坐示進之兼懷文叔

貧病人誰數情親肯見存掩窻同此夜撥火共殘溫未
暇飯飽喫且從文細論平生松谷老同姓與君敦

用韻示成父

林動風微掃庭空月正方不知晝已短但覺夜初長了
游年舊駸駸老至將街頭賣紫角甕裏灑鵝黃

示成父

雨重冬裘薄泥深古道賒東西但烟嶂高下絕風花斷
句病肝腎食寒愁齒牙赴期元不後分路各從家

同子肅過玉汝飲題玉汝壁二首

躑躅來千里崎嶇為一飢客情方慘慘雪意又垂垂萬
事豈無命百窮寧坐詩前賢有如此而汝欲何為

晚日雖云短故情能爾長杯行要陶寫賦就復淒涼此
別會不免有懷寧遽忘明當視清鏡應已變蒼蒼

雨中簡章令

夜雨仍朝雨知時復後時禾困慙黍稌麥地及耘籽屢
起瞻行旆頻成閱贈詩渠方謹期會君自念疲羸

晚雨後虹蜺並見

薄雷收淡雨雌蜺映雄虹雲擁奇峰出霞飛散綺紅渠
無畫手妙我久作詩工汎汎身隨梗蕭蕭鬢似蓬

早醉

晨起倦烏巾還傾老瓦盆自知中了了人謂日昏昏迤
邐谿山別披紛鴈鷺喧春風得亡賴幽趣與誰論

晚行

溪上晚來雨，江西東泝舡。
波停鏡平墜，霞散綺相鮮。
老火滋煩濁，初涼灑靜便。
題詩差落耳，把酒又茫然。

驟寒二首

一晴疑尚暑，一雨頓能寒。
氣候從茲變，病軀那得安。
頻聞風淅淅，不見日團團。
附火貪新燎，添衣怯帶寬。

日薄林園靜，天寒鳥雀微。
無人行古徑，有客滯荆扉。
疾病淹時久，親朋枉問稀。
漸諳風俗異，還覺歲年非。

黃昏驟寒

過午風猶怒及昏寒驟增衣皆袷無絮被只楮非繒所
賦端如此誰令病不勝更憐餘習在挾冊自篝燈

夜坐觀書作

久矣疎黃卷欣然對短檠燈寒度窻影雨驟落簷聲伏
枕身雖憊觀書眼尚明帶經真有道發冢復何情

枕上

鼠上書檠暗巢驚窺牖明不眠知夜久欲起怕寒生城

與江山近秋添鼓角清經營纔五字展轉欲殘更

又

風雨雜荒更晨難不暇鳴客程難去住秋感易淒清強
說騷為僕那知錢是兄長貧自吾事未用悔平生

乞曉

乞曉占雲物過東還過西已因月仰瓦真驗水平溪齊

楚自得失短長從鶴鷺誰能效巢穴聊得寄詩題

月如
仰瓦

不自求下雲過東雨頭空
雲過西水平溪皆訪所云

十五夜玩月有懷

四海中秋月三衢上水船樓遲猶故我飄泊記今年烏
有空成句無何不具錢還家知不遠飛去苦無緣

自吉水乘月放舟至玄潭

木葉未盡脫水光真接天蒼然江上石兀爾渡頭船酒
有三杯飽詩無萬斛泉冥冥鴻鵠舉渺渺鷺鷥眠

月夜

振厲山風作咆哮澗水喧不堪蛙取鬧更奈鴨能言月

色雖云好雲浮竟自繁
白頭清不寐止酒罷芳樽

餘干月夜

風月隨地有溪山
天下稀臨流醒客寐
靜夜覺漁歸
浥浥露侵鬢
飛飛螢點衣
鷺鷥樓亦穩
知我故忘機

晨起示聖仙寮主

薄酒亦得醉
熟眠無所聞
林園夜飄雨
牕戶曉封雲
米糴隣翁易
衣尋宿火
薰為官君笑
我樂道我輸君

和祖上人見貽

久客黃金盡思歸白髮添春泥妨驛路細雨泊僧簷驟
喜詩情淡還增酒律嚴雲山會終徃瓶錫豈長淹

呈慧力然老

慧力知名寺混融開士英宗秉真繼祖翰墨亦兼名更
用終何得悠然聽此生懷哉躬井碓永絕世塵撻

比因和首座詩有故欲撩公嬾是真之句名其
室曰嬾真知客一牕對青山尤可愛名其軒曰
遙碧屬王君進之書榜為之賦詩二首

少日經禪暇猶餘文字嬉
老來無復事日用亦奚為
衲被忘宵度團蒲失晝移
謂公真是嬾如我不其癡
牕戶潔仍間峯巒列以攢
舊因行脚見今得坐禪看
明晦陰晴變青黃草木觀
本來元不動是可學心安

漁父

自得江湖樂信無朝市求
扁舟載妻子沒齒是春秋
見客如成愕問魚多掉頭
嚴陵疑可亞范蠡豈其流

招謝文簽判出郊

桃李競芳春晨粧故斬新周遭遍晴野絡繹動遊人閉
戶端無事命車當及辰澄流帶修竹足以奉清真

同諸友送潘文叔出郊

數月臥城郭茲晨歷郊原林鶯語聲近陂鷺背影翻稻
栽已遍畝桑採無剩園因行一欣爾送友重惘然

十六日出迓客

逢迎非我事且逐衆人行粗識郊原趣因茲詩句成黃
華菜誰主自喚鳥何名忽憶來時路還思去日程

分宜示沈弟

水後雖顏北江邊不寂寥
鷺聲收市井落景見漁樵
喜我扁舟泊勞君半道要
他鄉惟表弟茲語驗今宵

次韻師契早過東園

舊說東西圃新知上下池
山亭猶有記水館獨無碑
疏鑿由今守登臨要子詩
倦游吾老矣况復思多遲

湖州親舊

去住兩無由終成上客舟
香如添酒病雨亦帶離愁
兩

岸青青柳空江點點鷗總堪添鬢白不必問春秋
搔首對青波蕭蕭半欲瞤不關年運迫政為別離多落
魄空長恨飄零謾短歌殘春與倦客已矣更如何

口占示成父

雨暴落何方空成掣電光淒涼風陡變黯淡月微妨就
取征衣蓋共談三徑荒蟬連幾徹曉有恨故浪浪

早行示同舟

了了晴山見紛紛宿霧空樵歸婦腰斧漁罷叟收筒但

取登臨適何須吟嘯工平生釣臺路明日與君同

早起登覽有懷山居

日出早煙消舟行不待招乍明村市場初露遠山椒勝處宜規隱浮生只浪飄章泉在何許遶塹碧蕭蕭

和折子明文閑居雜興十首

維南有衡嶽一掃衆山空天既柄斯假祭應儀比公穹林行莫盡傑句古來供歎息緇黃輩昏燈及曉鐘

江清山照影山淨水為容縱復俯仍仰難分邊與中雲

興繪後素雨合聽思聰安得漁舟去於斯作釣翁

賞識元非易登臨政爾難要須窮應接寧可肆譏彈勝
踐千年近高風六月寒由來炯水玉固愈耀朱丹

水匯終趨海葵傾必向陽欲行疑或使將下盍先翔聽
爾玄嘲白從渠本校黃生平志濠濮老去客沅湘

詩有江西派首書江夏黃精神如有得形似直堪忘拱
把至合抱江流由濫觴屹然成巨室勇若泛飛艎

萬里江山助千年蘓李師紛紛多假力落落要真知巧

手寧無偽徐行不厭遲文章自公器造物匪人私
未話田園薄唯關道路長春風又寒食多病祇殊方
緬想迎門問深思暴索香無勞謝猿鶴好為約求羊

抄寫猶前日吟哦遂隔年真成墜晉井未易及深泉
曷日仙能至何時彈比圓自非深致力寧識貴吾賢

徑草餘幽色盆蘭有靜芳取窮應有在雖病亦無傷
暫得閉門坐已勝趨道傍鴻斯遠繒緌木豈願青黃

人說居閑久園今數畝開荒榛除舊舍規畫見新材
鬱

鬱宜深託堂堂豈易摧遐思挹湘水高興擬裴臺

呈閭丘四舅二首

憶昨都城見於今歲月長中間各憂患重對兩悲涼課
最舅材顯詩窮甥鬢蒼相逢又相別客路況冰霜

不識高安縣飽聞明恕堂母卑百里小未覺四年長議
論兼秦漢規模越抗廟堂方急此已試乃為良

晚晴

溪雨無常度陰晴日幾回山容朝政合水面晚仍開乍

覺嶢巖盡又看平遠來高人欠摩詰空為襍留材

詠晴

冥冥十日雨不見海棠梨霽色晨初上禽聲樂可知春
衣猶故褐薄飯祇朝齏自信端如此流行任所之

敗屋兩三間隨僧且住山詩無一朝廢官有十年閑日
上花明野雞啼門掩關春風從草草老態已斑斑

雪晴

啓戶猶飛雪披衣忽報晴慵為踞爐坐喜作出門行草

凍袍爭色梅殘玉墜英未能憂旱苦聊復快詩情

秋聲

何處忽秋聲千崖萬壑并不知繇雨故直覺太清生
絺綌且重著褐裘須漸營晚禾資秀實尚有暖而晴

次韻簽判丈因旱而作及喜雨二詩

稍愆梅熟雨似作旱時風此柄知誰宰皇天不病農
桑麻初告畢倉廩舊猶豐莫起焦熬歎當期滲漉通

在家乃慮國此事古人風蚤作欣聞雨歡謠欲助農不

須詢父老斷可驗凶豐藥裹從茲屏詩筒要數通

雨餘

雨餘還返照牆面亦高林獨坐殘書卷支頤谷鳥吟百
年今半過三逕豈遐心日莫重蕭瑟悲歌不自任

大雨連晝夜不止

天漏誰能補河傾勢未平踞床如露處曳履學泥行朽
柱芝菌出斷溝蚪蚪生南公安已慣北客見猶驚

連雨

夜牕連曉枕城郭與山林旱苦七八月雨欣三日霖殊
勝建武穀更愈櫟陽金斗食端可直胡為久滯淫

連雨書事

麥熟蠶將老晴須雨不宜頻年荒已甚一飽此為期陞
下故勤理爾民無怨咨磨鎌亦裝簇晴日會當披

連雨

牕外蒼絕雨檻前山逐雲細聽還撼撼觸眼又紛紛早
昔晨昏望淫令晝夜聞平生憂國願敢廢野人芹

次韻張王臣既晴復雨欲去尚留見示且以識

別二首

逾月能連雨令晨少散陰病寬遊子念愁豁老農心始
慮春成早那知夏苦淫舉頭問白日恒怯一何深

我住難期夏君歸豈待秋投章同縞帶共敝愈輕裘浩
浩羣屬玉陰陰黃粟留叙行如有寄何處覓孤舟

二月十日雨

喜雪仍喜雨相須旬日期天民終自卹歲事可前知起

我泛舟役思渠荷笠詩嗔人問米價王掾果真癡

雨中不出呈斯遠兼示成父四首

燠甚宜為雨晴來又復陰霜風吹不變雪霰已相侵寒
且依鑪密泥防著屐深未能從子去何暇復梅尋

歲事今無幾來歸畧未安若為佳抱發賴有好詩看賸
欲江村訪却遭天氣寒雪猶思剡曲雨亦過蘇端

湖外頻年客江東過日歸欲知年事迫看取鬢毛非寄
意雖梅柳關心在蕨薇令余倒芒屨須子叩柴扉

兄髮久已白弟顏那得紅從今喜朝夕不復恨西東耕
稼真吾事詩書是祖風扶犁有餘暇把卷不妨同

雨後偶題

漠漠青山雨霏霏白鷺煙詩材來遠近畫本極中邊流
落雖天外登臨賴目前浮生纔幾日此地欲三年

雨中四首

積此簷間雨驟茲山下谿真成亂昏晝何止礙輪蹄雲
變看蒼狗泥深聽竹雞不能同憤憤政爾合栖栖

古屋先知雨空林易得風階除滋綠草門巷擁丹楓衣
褐從茲迫稻梁安得豐病來方止酒愁絕若為攻

瀏瀏簷雨暮蕭蕭牕竹秋蚊雷宵罷響螢火暗停流政
爾具締綌又當營褐裘桑麻豈無地卒歲負悠悠

稍稍風頭變侵侵雨脚來峯巒忽成暗雲霧亦旋開謾
易炎涼候無矜狡獪才天高獨鳥度林合亂蟬哀

八日雨是日期成父來已而不至

一雨毋嫌驟炎蒸得解圍桃笙疎不御蕉蔕頓忘揮月

暗螢偷照風清蟲趣機所思期不至還是掩荆扉

雨後

前朝呼蜥蜴令雨跳蝦蟆聽罷僧鐘擊傳聞廟鼓過長
飢道遊子樂歲慰田家未得江東信頻看天外鴉

昨日過縣齋莫令方以闕雨為言薄晚雨作山

行書呈

草樹高低濕陂塘曲折通鳩鳴朝未已雨氣曉猶濛念
發堂皇上雲生山谷中滯留公勿厭更享一年豐

明日雨不止風加甚

大雨曉未止疾風朝更顛茅飛踈我屋禾偃病民田未
可專時戾多繇得地偏雖然豈無念衣薄尚無綿

六月十三日四更登舟縣岸遲明抵巖步宿雨
猶濕昨夕近郭風而不雨不知此間蓋滂沱也
月落牖咿啞曉登江上家衝田多偃稻直岸有頽沙始
悟雨如許更欣晴亦佳林中尚餘滴不管墊烏紗
八日夜雨九日不止

中夜忽聞雨遲明珠未收都綠數日熱變此一庭秋不
但梅當熟從來夏或裘可憐方止酒何日畔牢愁

雨脚

雨脚纔能駐風頭倏又高未成曾點服猶衣仲由袍斗
食塵埃媿束書燈火勞丁丁幾樵斧汎汎一漁舸

月方上雨忽作

作底浮雲合從何細雨零庭中方照影葉上已傳聽耿
耿深翻鵲飄飄暗墮螢倦身拋曲几高枕對疎櫺

雨作

晚泊魚蝦聚蚤行葭葦叢紛紛腥落日裊裊亂長空風
既滯游子雨仍愁社公真成才欲盡有句不能工

寓舍遭雨漏甚

無計補天漏寧關以瓦為畫居衣數燎宵臥枕頻移慣
悶長憑酒窮愁更有詩何須僂句問可向穴居知

舟中雨作

早而逢小雨月亦當季秋便覺重陽近還成一舸遊關

余荒徑荊媿爾沒波鷗詩就雲如卷推蓬得縱求

連雨有作

往晴憂小旱今雨慰深望細聽林園響如聞粳稻香客
來無龍襪興可傲羲皇恨我瘍居體孤渠醉作鄉

八月五日雨

小雨新涼進遙山翠靄分稻梁先告病粟麥晚收勲助
爾農人喜嗟余課子勤跨驢窮有相琢句老無聞

八月十二夜至十六夜皆無月賦詩三首

月向中秋俟陰從一夕愆望中孤老眼暗裏聾吟肩燈
婢深留照桃笙冷廢眠思今在何許有夢隔山川

雨後涼雖在秋中月遂孤未妨疎狡兔端恐失遺珠屢
起瞻雲漢還成候挈壺清羸祇益苦庭樹有棲鳥

已失連宵望猶餘此夕謀疎明時遞見暗淡幸空休無
復丹梯意居然四壁幽有懷千萬種都付一搔頭

中秋不見月次韻元衡十四夜江干步月五言

月待今宵滿秋空此夕中與君俱客路而我欠詩工短

髮添新白顏顏失舊紅波長嬉屬玉渚遠愴賓鴻

中秋不見月得斯遠所寄詩有懷兼呈遠父成

父

中秋不見月空傳江左詩陰晴定俱爾離合政關茲亦
復婆婆否還成賦詠為溪南舊遊地誰與共襟期

三夜不見月

中秋隔明日月色比常佳晨氣早已肅暮雲深更遮巡
簷徒四立顧影晚興嗟桂早猶藏藥橘秋反吐花

是夕再題

只道陰能蔽那知吹忽開蕭蕭故差勝皎皎適何來起
看寧辭倦放吟無自哀雖然不可久白露點蒼苔

九月晦日雨忽雜霰

九月霰維集南方見未曾馬寒添瑟縮我瘦益峻嶒窮
相有如此昔人誰似能樹深鴉屢落灘遶鴈相磨

十一月大雷雨

疾雷驚萬里凍雨落三更未暇尋洪範誰能究五行短

繁無焰續高枕待天明鐘省成深省雞聲匪惡聲

十一月十五日風大作偶成四十字

江南無此風羸疾詎煩攻異事真同颶夸辭嬾問雄梅
猶隱荆棘菊已墮蒿蓬坐撥寒灰盡詩成欠得工

臘月二十四夜同成父對所傳贛陳丞詩作此
寄陳

旁舍篝楚息小齋燈火同猶貪誦詩好未暇問人窮笑
我尉方暇憶渠丞不聾移官故相近得句可郵筒

淳熙稿卷十